

157/22 [ca. 1610, Zug?]

## Notizen über den Beisitz des Ammanns aus dem Äusseren Amt im Rat der Stadt Zug

---

**A** «Der amman so je zue zitten von demm Usseren Ambtt [= Äusseres Amt] syn wirdt soll synen eheren unnd bysitz haben, inn grichtt rath unnd processen wie von altem har usserhalb vorbhaltts wie volgett.<sup>1</sup> Als namlich was der statt unnd denn burgern lutt dess libells eintzig unnd allein abze straffen zuhörtt, unnd erlütterett ist, auch ire selbst eigne burgerliche sachen, satzungen unnd ordnungen, mandatt gebott unnd verbott, rechnungen unnd verhandlungen umb ire innkhommen vall geläss erschätz zinsen unnd zechenden, holtz unnd veld wunn unnd weidt, so woll inn irer statt als auch eignen vogtyen, darinn unnd daran das Usser Ambtt khein gmeinsami nachtheill hatt da soll unnd mag der statt rath solches unverhinderett unnd ohne bywesen eines ammans verrichtten.

Was aber usserhalb dessen sunsten fur sachen fürfallen, so busswirdig werendt, klein oder gross, da soll jederzitt ein amman demm process klag unnd anttwurt zuhören, unnd so sich sachen befindend die gmein werendt, inn gmein als von der statt unnd demm ambtt, abgestrafft unnd gebüöst werdend, so aber auch hingegen sachen erfunden, die der statt allein unnd eintzig zehören, sollendt dieselben auch wie oben gemelt von der<sup>2</sup> statt rath ohne bywissen eines ammans ires gevallens abgestrafft unnd verhandlett werden, unnd also sunsten im ubrigen allen usserhalb dessen wie vorbehalten jederzitt ein amman by grichtt rath unnd processen synen eheren unnd bysitz haben wie von altem har.»<sup>3</sup>

---

<sup>1</sup> Die langjährigen Auseinandersetzungen zwischen der Stadt Zug und dem Äusseren Amt, bei denen verschiedene Fragen der Vertretung umstritten waren, sind als Libellhandel bekannt, vgl. SSRQ Zug I 401 Nr. 616 bis 404 Nr. 619.

<sup>2</sup> Die Wörter «von der» sind durchgestrichen. Das Darüberegeschriebene ist schwer zu lesen, evtl.: «sollen unnd nun die».

<sup>3</sup> Die Notizen stammen wahrscheinlich vom Stadtschreiber von Zug, Konrad III. Zurlauben (Schriftvergleich).